

յայնմիկ՝ խոստացան և յանձն առին ընդ Հայոց 'ի միասին մտանել, եւ տուաւ զիր յայնժամ Հայոց 'ի դատարանէ : Եւ բաց յայմանէ բացայայտ վիպեն դաշնագիրք Օմարոյ և Սալահատորինի՝ և Կայսերական հրովարտակք Սէլիմոյ, Սիւլէյմանայ և Մուրատայ, և վաւերական մուրհակք դատարանի, որք սահեալ կան յերուսաղէմ 'ի վանս Հայոց, որ չէր հնար հակառակ նոցին առնել ինչ : Այլ զի պատրիարքութիւնն Յունաց յերուսաղէմ է անփոփոխ և ցրկեանս, իսկ կարգադրութիւն պատրիարքութեանն Հայոց խանգարեալ է 'ի բազում ժամանակաց հետէ, մինչեւ ցաւուրս իշխանութեան ձերոյ . զի 'ի չրջանի միոյ կամ երկու տարւոյ լինէր փոփոխութիւն Պատրիարքաց, և նոցա զբաղեալ 'ի վէճս և 'ի կռիւս իւրեանց, անփոյթ արարեալ էին զկարգաց և զկանոնաց Երուսաղէմի, և 'ի շիւթութեանէ աստի համարձակութիւն գտեալ Յունաց, անկան 'ի սնտի տենչանս առաջնութեան, զի եւ 'ի ժամանակէ առաջին թագաւորաց չէ ոք այժմ 'ի միջի, եւ ոչ ոք մնացեալ կենդանի, որք թոյլ ետուն Յունաց վարիլ հակառակ խոստմանց իւրեանց՝ և մուրհակացն Հայոց, յօդելով զսպալէս պատճառանս, եւ պնդելով թէ՛ Հայք մինչեւ ցայսօր դիմեալ են Յունաց . և թէ՛ առաջնութիւնն է նոցա : Եւ թէ Հայք ոչ երբէք դադարեալ են 'ի խռովութեանէ, եւ այսպիսի ստութեամբ առին հրովարտակ Արքուճուստ 1104 (1696) . և իբրեւ կամեցան վարիլ նովաւ ընդդէմ նախնի սովորութեանց, առիթ եղեն մեծի խռովութեան . և 'ի դատաստանի յայտնի եղեւ նենդութիւնք նոցին առաջի օրինաւոր վիպից և բնակչաց քաղաքին . և վաւերական մուրհակք Հայոց խափանեցան խռովութիւնք նոցին, և տուաւ զիր Հայոց 'ի դատարանէ : Եւ զինի միոյ տարւոյ՝ վերստին յարուցին զնոյն խռովութիւն, և դարձեալ մերժեցան սոքաստանութիւնք Յունաց 'ի դատարանի, և այսպէս մինչեւ ցայսօր անխափան մնացին սովորութիւնք երկուց սղգաց : Սակայն Յոյնք բնական նենդութեամբ իւրեանց զխափանեալ հրովարտակն զայն ետուն նորոգել օրինօք դատարանի 'ի թուին 1144 (1710) . եւ թագուցին զայն մինչեւ ցայսօր . զի դիտաւորութիւնք նոցին էին գտանիլ արձանագրութիւն հրովարտակին 'ի դիւանս .